



## Per Rosing-Petersen

Inatsisartunut ilaasortaq, Attaviitsoq

### Segregation pillugu § 37 naapertorlugu apeqquteqaammut nr 221 2016-imut akissuteqaat

Asasara Per Rosing-Petersen

Sumi inunngorsimaneq aallaavigalugu assigiinngisitsisoqarnerseq pillugu apeqquternut qujanaq.

Akissuteqaatikka matuma kingulianiipput:

- **Nunatsinni sumi inunngorsimaneq/etnicitet tunngavigalugu innuttaasuni assigiinngisitsisoqarpaa (de facto segregation)?**

Namminersorneq pillugu isumalioqatigiissitap isumaliutissiissutaani ilanngussaq 10-imi allassimavoq, inuiaat kalaallit kinaassusertik sakkortuumik ilisimaarilluinnaraat, ilisimaarinninnerlu taanna tatisimaneqarnermi qasukkartinneqanngilluinnarsimasoq, kisianni paarlattuanik sakkortunerulersimasoq.

*”Oqaatigisariaqarpoq, assigiinngisitsisumik-immikkoortitsisumik pissuseqarniarnemik sunilluunniit allanngortitsiniarnerup atuuttup – aammalu ingerlaavartup – ingiaqatigisaanik, kinaassuseq aamma imminut naleqartinneq pillugit inuiaassutsimik eqqumaffiginninnerup taassuma ineriartorsimaneq piviusuummat, tamanna qamuuna annertoorujussuarmik nukittuujunermut ersiutaasoq”*

Inuiaat kalaallit assigiinngisitsisumik pineqarnermut tunngatillugu, inuiattut akaarinnittuusut, Naalakkersuisut Namminersorneq pillugu isumalioqatigiissitaaq isumaqatigaat. Apeqqummi tassani innuttaasut isumaat Naalakkersuisut isumaqatigaat. Taamaattumik Namminersornerunerup atuutsinneqarneraniilli Naalakkersuisuusartut nikerartut assigiinngisitsisumik pinnittarnerit sulluunniit atorunnaarsinniarlugit sulissutigisarpaat.

Suminggaaneerfik, ammip qalipaataa, nunami namminermeersuuneq imaluunniit nunap inoqqaavineersuuneq kiisalu upperisaq aammalu atoqatigiittarnikkut inissisimaneq aallaavigalugit assigiinngisitsineq Pinerluttulerinermut inatsimmi § 100 malillugu pinerlunnertut isigineqarpoq, suaassuseq aallaavigalugu assigiinngisitsisumik pinninneq angutit aamma arnat akornanni naligiissitaaneq pillugu Inatsisartut inatsisaat malillugu inerteqqutaalluni.

06-10-2016  
Sagsnr. 2016 - 13692  
Akt ID. Nr. 3527169

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

Naalackersuisut naliliipput, assigiinngisitsisumik pinninnerit sunulluunniit pitsaaliornissaannut Kalaallit Nunaanni ullutsinni pisortatigoortumik maleruagassaqartoq.

- **Qanorlu Naalackersuisut aaqqinniarlugu iliuseqarfiginiarpaat?**

Apeqquteqarnerni inuup timaaneersunut allaaserisaq 2001-imeersoq, pingaartumik inuussutissarsiornermut suliffeqarnermullu tunngasunik sammisaqarfiusoq, innersuussutigaat.

Naalackersuisuusartut nikerartut oqaatigineqareersutut assigiinngisitsisumik pinnittarnerit suulluunniit atorunnaarsinnissaat sulissutigisarpaat. Ilaatigut oqaatigineqarsinnaavoq sumi inunngorsimanermik tunngaveqarnermi sinneruttut kingullit 1991-imi sulisartut isumaqatigiissutaanni il.il. peerneqarmata, aammalu avataaniit suliffissarsiortut killilersimaarnissaat pillugu Inatsisartut inatsisaanni sulisussat nunaqavissut salliusussaataatinneqarlutik.

Taamaalilluni nunaqavissut sulisartut pisinnaatitaaffiisa isumannaariffiginissaannut politikkikkut alloriartoqareerpoq, ilanngullugu piukkunnassuseqarnerit eqqortut pigineqarpata inuiaqatigiinni atorfii inuttaqanngitsut inuttalernissaannut salliusussaataitaneq. Sulisussanik avataaneersunik tikisitsisarneq pillugu apeqqummut tunngatillugu, aamma Randi Vestergaard Evaldsen-ip Siverth K. Heilmann-imut § 37 naapertorlugu apeqquteqaammi nr. 120, 2016-imi akissuteqaataa innersuussutigaara.

Naggasiutigalugu oqaatigineqassaaq Kalaallit Nunaat nunani tamalaani isumaqatigiissutinik arlalinnik akuersisimammat, inuiaqatigiinni assigiinngisitsisumik pinnittarnerit akiorneqarnissaannik siunertaqartunik ilanngullugu suliffissaqartitsinermit inuussutissarsiornermullu tunngatillugu assigiinngisitsisumik pinnittarneq pillugu ILO-imi isumaqatigiissut nr. 111. Naalackersuisut isumaqarluinnarput nunani tamalaani isumaqatigiissutit malinneqassasut.

Inussiarnersumik inuulluaqqusillunga

**Martha Lund Olsen**